

't Pöthuske va gen Roath

't Pöthuske is ee van de bekèndste geboewe van de ouw gemeente Bèngelder. Boave in de sjpits sjeet 't joartal 1664 oeëtgebeeteld. De pöt zelf is dènklik nog ouwer. Wiejniet dae is gesjlage is mich neet bekènd. 't Is doew geboewd in vakwerksjtieel, later is doa een moer va mergelblök ombiej gezat, dènklik vuuer 't ongerhouwt. De pöt lieëveerde drinkwater vuuer miensj en deer in de omgaeving. De meeste boereluuj houwe ene pool vuuer 't vieë, dat sjaelde ene hoop gesjouw. Water hoale woar 't werk van de hoeësvrow, diej gong dan mit twieë tobbe noa de pöt. Woar 't toew, dan gong ze de sjluuëtel hoale biej de luuj naeve 't pöthuske, es ze zelf geene sjluuëtel houwe. Woar 't oaape, dan woeërt op de buurt gewacht. Onger dat wachte woar tiede om de lètste nuujtes oeët te wissele. Dat doa ooch veuël is geroddeld, sjprik va zelf. Es 't dan dieen buurt woar, leetste 't tönke zakke doeër aan 't raad te drieë. Eë tönke woar boave en éé onge. Zoeë tönke woar genog om twieë tobbe te völle, dat woar éne gank (ene kieër goan).

't Tönke woeërt in de sjtene göt binne laeg gesjöt, ongertösje sjtong ene tob boeete onger de göt, dae angere woeërt later d'r onger gezat.

Soms woare koajonges in de buurt, dan woeërt waal èns ene tob d'r onger oeet gehold.

